


DS  
735  
A2Y86  
1771a  
V.2







御批歷代通鑑輯覽卷之二

伏羲氏在位一百一十五

太昊伏羲氏

帝生于成紀

帝初居于華胥之渚，應巨人跡，意有所動，乃生。成紀，今秦州之西。

古者以木德紀之，故曰太昊。以木德紀之，故曰太昊。

風姓有聖德，象日月之明，故曰太昊。

都陳左傳：陳太昊之墟。鄭志：伏羲都陳，宛也。宛，今河南陳州府治是。

始畫八卦

帝德洽天下

有龍馬負文，龍圖魚之長，玉璽書，以授之。

國出于河孔安國：伏羲氏王天下，龍馬出河，負圖授之。

上為明，而居乎河，故曰河圖。西五與十，南二與七，東三與八，北四與九，皆天地之數也。

廣文苑：伏羲氏，神農氏之祖也。神農氏，炎帝之祖也。炎帝，黃帝之祖也。黃帝，少昊之祖也。少昊，顓孫之祖也。顓孫，高辛之祖也。高辛，湯之祖也。湯，伊尹之祖也。伊尹，伊洛之祖也。伊洛，伊洛之祖也。







三皇五帝之說辯者紛如  
惟孔安國書序以伏羲神  
農黃帝之書為三墳少昊  
顓頊高辛唐虞之書為五  
典不區分皇帝之號其說  
較為簡當

御批歷代通鑑輯覽卷之一

伏羲氏

在位一百十五年傳十五世

太昊伏羲氏

帝生于成紀

帝母居于華胥之渚履巨人跡意有所動虹且繞之因而始娠生帝于成紀

古國寰宇記藍田縣有華胥氏陵以木德繼天而王故成紀故城在今甘肅秦州秦安縣

風姓有聖德象日月之明故曰太昊

都陳

左傳陳太昊之墟鄭樵通志伏羲都陳宛邱城是也宛邱今河南陳州府治是

始畫八卦

帝德洽上下有龍馬

說文龍鱗虫之長玉篇馬武獸也此馬身而龍鱗故曰龍馬

圖出于河

孔安國書傳伏羲氏王天下龍馬出河朱子河圖論圖之位一與六共宗而居乎北二與

七為朋而居乎南三與八同道而居乎東四與九為友而居乎西五與十相守而居乎中乃仰觀象



君民之道莫大乎教養伏  
義氏作佃漁畜牧皆所以  
為養也而教即行其中後  
世視教養為二者去古遠  
矣

教民佃漁畜牧

生焉。劉恕通鑑外紀。伏羲德洽上下。天應以鳥獸文章。地應以河圖洛書。則而象之。乃作易。說本禮緯。舍文嘉。羅泌路史。鄭樵通志。皆因之。考易大傳。河出圖。洛出書。漢孔安國。劉向父子。班固。俱以河圖授羲。洛書錫禹。宋邵子。朱子並同。今依書傳。朱子為據。餘說皆不取。

民處草野。逐捕禽獸。茹毛飲血。帝始結網罟。以教佃漁。故曰伏羲養犧牲以充庖厨。故又曰庖犧。

以龍紀官。

因龍馬之瑞。故以龍名官。號曰龍師。春官為青龍。又曰蒼龍。氏。夏官為赤龍氏。秋官為白龍氏。冬官為黑龍氏。中官



為黃龍氏

偽三墳伏羲以共工為上相柏皇為下相朱襄為飛龍氏吳英為潛龍氏大庭為居龍氏

渾沌為降龍氏陰康為土龍氏栗陸為水龍氏命官之名與後十五世帝號多同今不取

作書契

上古結繩以紀事帝易之以書契百官以治萬民以察

作甲歷

帝始立周天歷度

以定日月列星分度見晉書天文志

乃作甲歷日月歲

時

日主晝月主夜日月相逐積三百六十晝夜而為歲說見周髀算經

自此而生焉

外紀

有甲歷五運通志甲歷起于甲寅王應麟曰甲寅之說蓋本通歷考大撓始作甲子若伏羲時已干支相配黃

帝又何必命官重作乎今不取

制嫁娶

民男女無別帝制嫁娶以儷

音麗偶數

皮為禮正姓氏通媒



外紀載伏羲之後傳十五  
帝而神農氏作或疑十五  
氏多與太昊命官同且所  
載語或不經遂削而不錄  
夫遂古初分厥詳曷闡然  
女媧氏之笙大庭氏之庫  
葛天氏之歌無懷氏之民  
載在典籍未可盡略也

灼以重人倫之本而民始不瀆

造琴瑟

斲桐為琴繩絲為絃絃二十有七古登切桑為三十六

絃之瑟而樂音自是興焉伏羲樂曰立基亦云扶來

帝崩葬于陳太昊陵在今陳州府懷寧縣西北

帝神靈首出開物成務立極萬世在位一百一十有五

年而崩傳十五帝曰女媧氏佐太昊正婚姻以重萬民

工氏作亂女媧誅之以治天下命臣隨作笙簧以通殊

風娥陵制都良筦以一天下之音破五十絃之瑟為二

十五絃而柏皇氏中央氏亦曰大庭氏其膺球也三辰

樂以和都于曲阜故魯有大庭栗陸氏驪連氏亦曰渾沌氏亦

氏之庫亦曰朱顏氏其時之民鼓腹而游含哺而嬉晝動尊盧氏

敦赫胥氏其時之民鼓腹而游含哺而嬉晝動



吳英氏又曰英有巢氏上古聖人教民巢居及其久也木處而顛有聖人教之編槿而廬緝

藿而扉革有巢之朱襄氏又曰襄子襄葛天氏其治世也而信不化而行

其作樂也三人操牛尾投陰康氏無懷氏其民甘食而樂居懷土而

足之歌八闋是謂廣樂重生雞犬之音相聞民至老死凡一千二百六十年而

神農氏作

神農氏在位一百四十年傳八世合五百二十年

炎帝神農氏

帝起于烈山帝母曰安登有神龍之感而生帝于烈山一名厲山在湖北德安府隨州北

荆州記厲鄉縣有石穴昔神農生此世謂之神農穴故亦曰烈山氏長于姜水今在

陝西鳳翔府岐山縣東水經注岐水東逕姜氏城南為姜水故以姜為姓以火德代

伏羲氏治天下故曰炎帝



都陳。遷曲阜。

皇甫謐帝王世紀。炎帝都于陳。又徙魯。元和志。曲阜。古炎帝之墟。曲阜。今縣。屬山東兗州府。

以火紀官。

春官爲大火。夏官爲鶉火。秋官爲西火。冬官爲北火。中官爲中火。

初藝五穀。

民茹草木。食禽獸。不知耕稼。帝因天時。相地宜。斲木爲耜。揉木爲耒。教民藝五穀。而農事興焉。

始制醫藥。

民有疾病。未知藥石。帝始味草木之滋。察其寒溫平熱之性。辨其君臣佐使之義。神而化之。遂作方書。以療民。

今之民卽古之民。古之民茹毛飲血。初不知耕稼也。後世視茹草木而食禽獸者。幾如異類。不知彼之去古猶未遠而已。之反近於異類焉。



疾而醫道立矣。復察水泉甘苦。令人知所趨避。由是民無天札之患。天下宜之。故號神農氏。

立市廛。

列廛于國。日中爲市。致天下之民。聚天下之貨。交易而退。各得其所。

夙沙氏

英賢傳。炎帝時侯國。

來歸。

諸侯夙沙氏叛。煮海爲鹽。

說文。古者夙沙煮海。始謂之鹽。

不用帝命。其

臣箕文諫而被殺。帝益修厥德。夙沙之民自攻其君而來歸。

帝崩于長沙。

今湖南長沙府。

之茶鄉。

今長沙府茶陵州。

葬茶陵。

炎帝陵。在今湖南衡

州府。縣西。

帝興萬世生養之利。法省而不煩。威厲而不試。其俗樸

重端慤。不忿爭而財足。無制令而民從。在位一百四十

年而崩。傳八世。

譙周曰。自神農至榆罔。相承八代。

曰帝臨魁。

炎帝子。在位八十年。

帝承。

帝臨魁子。在位六十年。

帝明。

帝承子。在位四十九年。

帝宜。

帝明子。在位四十五年。

帝來。

帝宜子。在位四十八年。

帝裏。

帝來子。又曰帝居。在位四十三年。

帝榆罔。

帝裏曾孫。

神農氏之政。至帝始衰。諸侯攜貳。帝居位之五十五年。諸侯尊軒轅為天子。降封帝于潞。神農氏遂亡。炎帝有別子曰柱。佐帝播種五穀。後世祀以為稷。帝裏有孫曰戲。其後有勾龍。為顓頊后土。能平九州。辨土地之宜。後世祀之。以配社。凡五百二十年而黃帝氏作。

軒轅氏

在位一百一十年。

黃帝軒轅氏

少典氏

神農時諸侯。

之子。

母曰附寶。見電光繞斗。感一而有孕。

生帝于軒轅之



邛在今河南開封府新鄭縣故曰軒轅氏。姓公孫。長于姬水。故國于

有熊。即新鄭。杜佑通典。新鄭祝融之墟。黃帝都于有熊。亦在此也。故亦曰有熊氏。

誅蚩尤。史記索隱。古諸侯號。于涿鹿。山名。在今直隸宣化府保安州南。

蚩尤好兵喜亂。作刀戟大弩。以暴虐天下。兼并諸侯。攻

炎帝榆罔。榆罔遜居涿鹿。帝乃徵師諸侯。與蚩尤戰于

涿鹿之野。蚩尤作大霧。軍士昏迷。帝為指南車以示四

方。陳殷曰。車上用子午盤針。以定四方。是為指南。遂擒蚩尤而戮之。史記。炎帝

侯。軒轅乃修德振兵。與炎帝戰于阪泉之野。三戰。然後得其志。說本大戴禮五帝德篇。考左傳。晉文公將勤王。

使卜偃卜之。曰吉。遇黃帝戰于阪泉之兆。然不言其與

炎帝戰也。若如戴德史遷所云。則放伐之事。軒轅已先

行之。成湯何必更有慚德。且三

戰得志。其文尤不雅馴。今不取。

印比卷之五

軒轅氏

帝自涿鹿還。諸侯咸尊帝為天子。以代神農氏。因有土德之瑞。色尚黃。故號曰黃帝。

以雲紀官。

帝初受命。適有雲瑞。乃以雲名官。春官為青雲。夏官為緇雲。秋官為白雲。冬官為黑雲。中官為黃雲。

立六相。暨史官。

帝舉風后。

太昊之裔。

力牧。太山。稽常。先。大鴻。

史記封禪書。鬼臾區。號大鴻。

史。音容邱。

以治民。命蒼頡為左史。沮誦為右史。

制六書。

蒼頡觀鳥獸蹄迒之跡。體類象形而制字。字有六義。一

曰象形。

謂日月之類。象形體而為之也。

二曰指事。

謂上下之類。人在一上為上。人在一下為



下各指其事。三曰會意。謂武信之類。止戈為武。四曰轉

注。謂考老之類。左右。五曰諧聲。謂江河之類。皆以水

曰假借。謂令長之類。使天下義理必歸文字。天下文字

必歸六書。循蜚紀。以蒼頡為史皇。又言荆成文字。

### 制陳法。

帝衍握奇

亦作機

之法。

太平御覽風后為黃帝衍握奇圖。

設五旗。

軍中所建。具五

方之

五麾。

牙旗也。以牙為飾。亦具五色。見出軍訣。

六毒。

與蠱同。軍中大旗也。

而制其

陳熊。

山獸。春出冬蟄。似熊。多力。

貉。

貉屬。出貉國。

貅。

猛獸。以為前行。

路史注。此

言勇銳之士。

鵬。

鵬鳥。似鵠。而大。似雉。

鴈。

隨陽之鳥。晨風。以為左右。

路史注。此言

旗之所繪。

又命岐伯作鐻。

形如小鐘。以節鼓。

鐻。

似鈴無舌。以止鼓。

鼓。

革音之器。

角。

形如簡。軍中所吹。

靈鞀。

騎上鼓。

神鉦。

今之銅鑼。以揚德而



建武。

立占天官。

帝設靈臺立五官。

天地神民物類之官。

以敘五事。命鬼臾區占星。

羲和占日。尚儀占月。車區占風。

作甲子。

帝命大撓探五行之情。占斗柄。

即斗杓。東北第七星也。

所建。

史記天官

書攝提直斗杓所指。以建時節。

始作甲子。

甲。乙。丙。丁。戊。己。庚。辛。壬。癸。謂之幹。子。丑。寅。卯。辰。巳。午。未。申。

酉。戌。亥。謂之枝。枝幹相配以名日。而定之以納音。

作蓋天。

即渾天儀。

及調歷。

黃帝歷名。

命容成作蓋天。以象周天之形。因五量。

起于黃鍾之會。合龠為合。以十

乘之。為升。斗斛。是為嘉量。

定五氣。

五行之氣。

起消息。

皇侃曰。陽生為息。陰死為消。

察發。



斂孟康曰春夏為發秋冬為斂以作調歷歲紀甲寅日紀甲子而時

節定是歲已酉朔旦日南至而獲神策神著也乃迎日推

策推算以逆知時日造十六神歷積斜音餘分以置閏配甲子而

設部至朔同在日首謂之部于是時惠而辰從

定算數即九章算法

命隸首定數以率其美要其會而律即律呂數因律起律以數成度

分寸尺丈引量注見衡所以任權而平銖兩斤石鈞之輕重由是成焉

造律呂作咸池之樂

帝命伶倫取竹嶰谿之谷昆侖之北谷斷兩節間而吹之以

為黃鍾之宮律之最長者制十二筩以聽鳳靈鳥五采而文其雌鳳凰

之鳴其雄鳴六雌鳴亦六以比黃鍾之宮損益相生下生



者三分損一。上生者三分益一。為六律。黃鍾太簇姑洗蕤賓夷則無射陽管為律。六呂。大呂應鍾

南呂林鍾仲呂夾鍾陰管為呂。又命榮援鑄十二鐘。金音之器。以協月節于

是文之以五聲。宮商角徵羽。播之以八音。金石絲竹匏土革木。命大容

作雲門大卷之樂。中春之月乙卯之辰日在奎。西方奎十六星。

天之武庫。始奏之。命曰咸池。

作冕旒。冠有旒曰冕。垂玉曰旒。正衣裳。

帝作冕垂旒充纁。細綿也。為元衣黃裳以象天地之正色。

旁觀翬翟草木之華。乃染五采為文章以表貴賤。

作器用。

命甯封為陶正。赤將為木正。以利器用。揮作弓。夷牟作矢。以威天下。又命共鼓化狐剡木為舟。剡木為楫。以濟



不通。邑夷作車。以行四方。服牛乘馬。備物致用。而天下利矣。

作合宮。

帝廣宮室之制。遂作合宮。又曰明庭。以祀上帝。享百神。而敷

政焉。

作貨幣。

范金。五色之金。爲貨。制金刀。錢名也。立五幣。金。刀。泉。布。帛。以制國用。

作內經。

帝察五氣。燥。濕。寒。溫。涼。立五運。甲。己。土。乙。庚。金。丙。辛。水。丁。壬。木。戊。癸。火。洞性命。

紀陰陽。咨于岐伯。而作內經。復命俞跗。雷公。察明堂。究息脉。巫彭。桐君。處方餌。而人得以盡年。



教民蠶

西陵氏之女嫫

力追反。

祖為帝元妃。始教民育蠶。治絲繭。

以供衣服。而天下無敝塚。

音遂。視寒。湯也。

之患。後世祀為先蠶。

畫野分州。經土設井。

帝方行天下。

史記。帝拔山通道。未嘗寧居。遷徙往來。以師兵為營衛。

東至海。西至

崆峒。

山名。在今甘肅肅州。高臺縣西南。

南至江。

注詳後。

北逐葷粥。

史記。匈奴傳。唐

虞以前。有山戎。葷粥。獫狁。居于北蠻。

合符釜山。

在今直隸宣化府保安州西南。

而邑于涿

鹿之阿。

括地志。媯州有涿鹿故城。本黃帝所都。唐媯州。今保安州是。

于是畫野分州。

得百里之國萬區。命匠營國邑。置左右大監。監于萬國。

萬國以和。遂經土設井。

言其經界如井字也。

以塞爭端。立步

六尺為步。

制畝

步百為畝。

以防不足。使八家為井。井開四道。而分八宅。

百里之國萬區。依開方法。應得積滿一萬萬里。然考軒轅方行所至。以今輿地按之。則西不過肅州。北不過宣化。保安而東至海南。



至江幅員具在安得有萬  
區百里之國哉可見史家  
紀載多恢張失實如禹  
會諸侯於塗山乃稱執玉  
帛者萬國亦此類也

井一爲鄰鄰三爲朋朋三爲里里五爲邑邑十爲都都  
十爲師師十爲州分之于井而計于州故地著猶言土著而  
數詳。

屈軼生于庭鳳凰巢于閣麒麟仁獸毛蟲之長遊于囿。

帝順天地之紀風雨時若人無夭札物無疵癘有草生

于庭佞人入則指之名曰屈軼鳳凰巢于阿閣麒麟遊

于苑囿。

帝崩于荆山之陽葬橋山在今陝西鄜州中部縣西北亦曰子午山接甘肅慶陽府真寧

縣界黃帝陵在山上

帝採首山在今河南許州襄城縣南之銅鑄三鼎于荆山在今河南

縣之陽八月旣望鼎成崩焉其臣左徹感恩取衣冠凡



杖而廟祀之。帥諸侯羣臣。歲時朝焉。帝生而神靈弱。而

能言。幼而徇。疾也。齊也。速也。長而敦敏。成而聰明。德配天地。宰

制羣動。故民安樂。不使而成。不禁而止。在位百年而崩。

年一百十有一歲。有子二十五人。其得姓者十有四人。

曰祁。已。滕。箴。任。荀。嬉。姑。儼。衣。二姬。二酉。別為十二姓。元妃之子摯嗣位。為少昊氏。

金天氏。在位八十四年。

少昊金天氏

名摯。亦曰元囂。已姓。黃帝之子。母即嫫祖。感大星如虹。下臨華渚。而生帝。自

窮桑。在曲阜縣北。登帝位。以金德王天下。故曰金天氏。史記。黃帝

之子曰元囂。是為青陽。降居江水。不得立。漢書。少昊帝考德曰清。清者。黃帝之子清陽也。考少昊之立。見于左

傳。故漢書因之。史記之說非是。



都曲阜

左傳伯禽封于少昊之墟。帝王世紀少昊自窮桑徙曲阜。

以鳥紀官

帝之立也。鳳鳥適至。因以鳥紀官。鳳鳥

杜預左傳注。鳳知天時。氏

為歷正。元鳥

燕也。春分來。秋分去。

氏司分。伯趙

伯勞也。夏至鳴。冬至止。

氏司

至。青鳥

鵲也。立春鳴。立夏止。

氏司啓。丹鳥

鷺雉也。立秋來。立冬去。

氏司閉

是為歷正之四屬。祝鳩

鷦鷯也。

氏為司徒。睢鳩

王鳩。鷺而有別。

氏

為司馬。鳴鳩

鵲鵲性均平。

氏為司空。爽鳩

鷹也。

氏為司寇。鵲

鳩

鵲鵲春來冬去。

氏為司事。是為鳩

聚也。

民之官。又立五雉

雉有五種。

為五工正

賈逵曰。西鷽雉。主攻金。北鷽雉。主攻木。東鷽雉。主墉埴。南鷽雉。主攻皮。伊洛之南為翬雉。

主飾五色。

利器用。正度量。以夷

也。

民立九扈

扈有九種。

為九農正

賈逵曰。春扈趣民耕。夏扈趣民耜。秋扈趣民斂。冬扈趣民蓋藏。棘扈為果。毆鳥行扈晝為民毆鳥。宵扈夜為農。



毆獸。桑扈為鷺毆雀。老扈。以扈止。民無淫。趣民收麥。令不得晏起。

作大淵之樂。

帝之御世。諸福之物畢至。爰書鸞。

似鳳。多青。鳳。韋續字源。少。

立建鼓。

大鼓也。

制浮磬。

林之奇曰。磬石取至輕者。故謂之浮。

以通山川之氣。

合樂以諧人神。和上下。是曰大淵。

帝崩。葬于曲阜。

少昊陵在今曲阜縣東北。

帝能修太昊之法。象日月之明。故曰少昊。在位八十四

年。而崩。年百歲。黃帝之孫顓頊嗣位。為高陽氏。

高陽氏。

在位七十八年。

顓頊高陽氏。

姬姓。黃帝之孫。黃帝元妃西陵氏生昌意。昌意降居若



水

即蘆水。今名打冲河。源出西番。逕四。娶蜀山氏女。是

女

樞。感瑞光

貫月之祥。生帝。帝年十歲。佐少昊。二十即帝位。初國

高陽

今河南開封府杞縣高陽城是。

故號高陽氏。以水德王。色尚赤。

都于帝邱。

今直隸大名府開州。有濮陽故城。漢書地理志。濮陽。古帝邱。顓頊墟。

始以民事紀官。

以少昊之子重為木正。曰勾芒。該為金正。曰蓐收。修熙

相代為水正。曰元冥。又以炎帝之後勾龍為后土。而帝

之孫黎為火正。曰祝融。分治五方。是為五官。

命重黎治神人。

少昊之衰。九黎

尚書正義。黎氏九人。當時諸侯之為亂者。

亂德。民神雜揉。家

為巫史。民瀆齊盟。災禍薦臻。帝乃命南正重司天以屬



神北正黎司地以屬民使復舊常無相輕瀆民用安生  
以建寅月為歷元

帝作歷以孟春之月為元是歲正月朔旦立春五星會

于營室北方營室二星一曰元宮一曰清廟冰凍始泮蟄蟲始振雞始三

號天地萬物莫不應和故後世稱帝為歷宗晉書律歷志黃帝作

調歷後顓帝以孟春月為元遂為歷宗

制九州馬端臨文獻通考顓帝創制九州

帝始建九州兖冀青徐豫荆揚雍梁統領萬國北至幽陵即幽州南

至交趾即南交西至流沙在今安西府敦煌縣西南地理今釋即古居延澤也其沙隨風

流行故名東至蟠木東海中山日月所照莫不砥平屬四遠皆平屬而來服屬

作承雲之樂



命飛龍氏會八風

條風明庶風清明風景風涼風閭闔風不周風廣莫風是為八風

之

音為圭水之曲以召氣而生物浮金効珍鑄之為鐘作

五基六英之樂以享上帝朝羣侯名曰承雲

帝崩葬于濮陽

濮陽注見上顯帝陵在今河南衛輝府滑縣東北

帝靜淵以有謀疏通而知事養材以任地載時以象天

依鬼神以制義治氣以教化潔誠以祭祀在位七十八

年崩年九十一歲少昊之孫帝嚳嗣位是為高辛氏

高辛氏

在位七十年

帝嚳高辛氏

姬姓名姁

七倫切

少昊之孫父曰橋極帝生而神異自言

其名年十五佐帝頊受封于辛

今河南歸德府商邱縣南有高辛里元和志帝

嚳初封此年三十代高陽氏為天子以肇基于辛故曰高辛

氏以木德王色尚黑

都于亳

今河南河南府偃師縣西有亳城帝王世紀契父帝嚳都此

作六英之樂

命咸黑典樂為聲歌名曰六英

帝崩葬于頓邱

頓邱故城在今直隸大名府清豐縣西南帝嚳陵在今河南衛輝府滑縣東北

帝聰以知遠明以察微順天之義知民之急仁而威惠

而信執中而徧天下日月所照風雨所至莫不從服在

位七十年崩年百有五歲帝元妃有邰氏女曰姜嫄出祀

郊禘見大人之跡履之震動有娠

生棄次妃有娀氏女曰簡狄

春分元鳥降簡

狄祈于郊禘鳥遺卵簡狄吞之而孕

生契三妃陳鋒氏女曰慶都

有赤龍之感孕



十四月。生堯。四妃嫫毘氏女。曰常儀。生摯。帝崩。摯嗣位。帝世紀摯母于四妃之中。班最下。九年。荒淫無度。諸侯廢而摯于兄弟年最長。故登帝位。之。而尊堯為天子。是為陶唐氏。

陶唐氏在位一百載。

帝堯陶唐氏

姬姓。高辛氏次子。曰放勳。育于母家伊侯之國。今河南汝州伊

陽縣。後徙耆。亦曰黎。今山西潞安府黎城縣。故曰伊耆氏。身長十尺。龍顏日角。眉有八彩。

年十三。佐帝摯封植。受封于陶。今山東曹州府定陶縣是。又封于唐。

今直隸保定府唐縣是。故為陶唐氏。年十六。諸侯廢帝摯。而尊為

天子。以火德王。色尚白。

甲辰元載。帝即位。

都平陽。漢書地理志。河東郡平陽。應劭曰。堯都也。平陽故城在今山西平陽府臨汾縣。

命義和治歷象

義氏和氏重黎之後。帝命治歷象。授人時。義仲居嵎夷。

東表之地。胡渭禹貢錐指。今朝鮮地。理東作。以殷仲春。義叔居南交。

地理今釋。理南訛也。以正夏至。和仲居西。

今安南國。理西成。以殷仲秋。和叔居朔方。

皆是以西。理西成。以殷仲秋。和叔居朔方。

攸遠。故稱朔方。以爲大界。理朔易。

朔。猶言蘓。以正冬至。

已七。二載置閏法。

帝既命義和治歷象。四時推候皆合。積一朞而天有餘度。歲有餘日。于是又置閏法。

歲有十二月。月有三十日。三百六十者。一歲之常數。日與天會。而多五日。有奇爲氣盈。月與日會。而少五日。有奇爲朔虛。合氣盈朔虛而閏生焉。日月氣



治道當以帝堯為祖今觀  
帝即位之始首以授時為  
重而即繼之以納諫後之  
臨民者宜知所先後矣

候始參會。後世章法。三歲一閏五歲再閏。十昉于此。金  
履祥曰。章法雖云氣朔齊。然猶有分秒之餘。至二十七  
章為會。二會為統。三統為元。積四千六百一十七年日  
月皆無餘分。却得十一月甲子  
朔子時半冬至。又為歷元矣。

置諫鼓立謗木。

置敢諫之鼓。使天下得盡其言。立誹謗之木。使天下得  
攻其過。

作戒。

戒曰。戰戰慄慄。日謹一日。人莫躡于山而躡于垤。

戊申五載。越裳氏。在交趾南。明史外國傳。占城國。古越裳地。

後更號來朝。占城。

越裳氏重譯來朝。獻大龜。蓋千歲。方三尺餘。背有科斗

聖人法天故天不愛道然  
帝之所以正四時而熙庶  
績乃本欽若之一心所謂  
在彼不在此也

文記開闢以來帝命錄之時有草生于庭曰萁莢十五  
之前日生一葉十五之後日落一葉小餘則一葉厭而  
不落觀之可以知旬朔

庚戌七載麒麟遊于郊藪

帝在位七年民不作忒鴟久

山海經蒼梧之野有鴟久注卽鴟鵂李時珍曰鴟同

鴟惡鳥也久前編誤作义今改正

逃于絕域麒麟遊于郊藪

乙卯十有二載巡狩方嶽

帝臨民以十二

十二載一巡狩也

周流五嶽存鰥寡賑荒札一

民饑則曰我饑之一民寒則曰我寒之一民罹辜則曰  
我陷之故民戴之如日月愛之如父母

甲申四十有一載虞舜生



舜之先國于虞

括地志故虞城在河北縣虞山之上。酈道元云堯以女嬪于虞之地也。河北故

城在今山西

系出虞幕

史記以舜為顓頊五世孫。路史解州平陸縣。以五帝中舜獨不出于黃帝而

仍依史記以敬康而下為舜之祖。考左傳自幕至于瞽瞍無違命。不言世數及名。今故于幕之下。喪之上。皆闕

之

父瞽瞍盲母握登

有大虹之感

生舜于姚墟

在今山西蒲州府永濟縣

後居瀉汭

二水名在永濟縣首陽山下。南曰瀉北曰汭

癸巳

五十載帝遊于康衢

帝遊康衢有童歌曰立我蒸民莫匪爾極不識不知順

帝之則有老人擊壤而歌曰日出而作日入而息鑿井

而飲耕田而食帝力何有于我哉

帝又觀于華。華封人祝曰使聖人富壽多

男子。帝曰多男多懼。富則多事。壽則多辱。封人曰天生蒸民必授之以職。多男而授之職何懼之有。富而使人

分之何事之有。天下有道與物皆昌。天下無道修德就閒于歲厭世去而上仙。乘彼白雲歸于帝鄉。何辱之有。

華。華山。在今陝西

同州府華陰縣南。

已癸六十載。虞舜以孝聞。

舜母早喪。瞽瞍更娶妻。生象。象傲。瞽瞍惑後妻。愛少子。嘗

欲殺舜。舜盡孝悌之道。日以篤謹。年二十。以孝聞。耕于

歷山。即雷首山。今日中條。跨蒲州府永濟諸縣界。人皆讓畔。漁于雷澤。在雷

下。亦曰人皆讓居。陶于河濱。今永濟縣北有陶城。寰宇記。舜陶河濱。即此。器

不苦窳。作什器。猶言什物。于壽邱。在今山東兗州府曲阜縣東。就時。謂逐

販。于負夏。鄭康成曰。衛地。所居。一年成聚。二年成邑。三年成都。

甲辰六十有一載。洪水命。鯀。顓帝長子。治之。功弗成。

時龍門。山名。在今陝西同州府韓城縣東北。未開。呂梁。亦山名。在今山西汾州府永寧州東

北。未鑿。河出孟門。亦山名。在今山西吉州西南。之上。江淮流通。河。江

九仞之城。即書所謂堙也。鯀堙洪水而績弗成。禹決九川而民殫粒。故治水之要。隄防不如疏導。此定論也。若九澤既陂。則止水耳。



向嘗有禹貢無隄字之句  
意正謂此第今古異宜以  
今日生齒日繁室廬櫛比  
之時衛民防險又在審變  
者神而明之且東水刷沙  
而正溜以深政宜寓濬滌  
於隄防之內比年淮徐河  
流頗覺順軌其明驗也治  
人治法可易言哉

俱詳後。無有平原高阜。帝求能治水者。四岳掌方嶽之官。舉鯀。帝乃封鯀為崇伯。使治之。鯀乃大興徒役。作九仞之城。訖無成功。

癸丑 七十載。舉舜登庸。

帝在位七十載。以子朱器訟不可授。乃詢四岳。求遜位。四岳羣臣咸舉舜。帝亦聞之。于是以二女妻舜以觀其內。使九男與處。以觀其外。舜內行彌謹。二女執婦道。九男皆益篤。帝以舜為賢。乃命以位。金氏履祥曰。書稱帝族。若如史記世系。則堯之于舜。為同高祖之族。而直妻以二女。豈得謂之克明峻德。故知堯舜不同出于黃帝也。

舜舉八愷八元。和五典。叙百揆。

高陽氏有才子八人。曰蒼舒。饋。數。檮。戴。大臨。龐降。庭堅。仲容。叔達。數音。檮音。戴音。

天下謂之八愷。高辛氏有才子八人。曰伯奮。仲堪。叔獻。季仲。伯虎。仲

熊。叔豹。季狸。天下謂之八元。此十六族也。世濟其美。舜舉之。

使八愷主后土。以揆百事。八元布五教于四方。于是五

典克從而無違教。百揆時叙而無廢事。

甲寅 七十有一載。舜賓于四門。流四凶族。

帝鴻氏。黃帝之後。有不才子曰渾沌。少昊氏有不才子曰窮

奇。顓頊氏有不才子曰檮杌。縉雲氏。黃帝之官。有不才子曰

叢。天下謂之四凶。舜投諸四裔。于是四門穆穆而無

凶人。

乙卯 七十有二載。舜納于大麓。

自孔安國書傳以叢為三苗而杜預左傳注遂并以渾沌窮奇檮杌即驩兜共工。繇是經之四罪傳之四凶混而為一。不知四凶之投裔在舜賓門之時。四罪之咸服在舜攝位之後。時異人殊。經傳可據。且繇則殛死而四凶不過投諸四裔。又何可強為牽合。



帝使舜入山林相視原隰。雷雨大至。眾懼失常。舜行不迷。

命舜攝位。

帝曰：咨爾舜，天之歷數在爾躬，允執厥中。

殛鯀于羽山。

在今江南海州。贛榆縣東。

放驩兜。

堯時司徒。杜預以為于

崇山。

在今湖南澧州永定縣東。

命禹治水。

鯀既殛死，乃命禹為司空，使續父業。禹與益

顓頊之裔。孫曰女修。

生大業。大業生稷。即棄大費。是為伯益。

稷也。

同受命。命諸侯百姓，興人徒以

傅土。禹乘四載。

水乘舟，陸乘車。泥乘輻，山乘櫟。

行山表木，勞身焦思，以

水之患，莫大于河。濟次之。淮與江又次之。乃先治河。始

壺口

禹導河自積石而施功則自壺口始于是闢龍門鑿底柱自孟津而北疏為九河積石山有二一

曰大積石即今大雪山在今蘭州府河州西北古唐述山也壺

口山在今山西吉州西南龍門注見上底柱山在今河南陝州黃河之中有三門禹所鑿孟津在河南懷慶府

孟縣南今日河陽渡九河曰徒駭太史馬頰覆鬴胡蘇簡潔鈎盤高津爾雅疏徒駭是河之本道東出分為八

枝瀾濟自沆水濟之上源為沆東流為濟入于河溢為也瀾濟自沆水榮東出于陶即北會于汶沆水即濟

源出今河南懷慶府濟源縣王屋山既見而伏復出為東西二池合流至溫縣潛行絕河榮即榮澤亦曰榮賈

在今開封府榮陽縣南陶即地名在今山東曹州府定陶縣西南汶水有五北汶羸汶柴汶至汶其一經流曰

大汶出山東泰安府萊蕪縣與導淮自桐柏會于泗沂四汶合流舊自安民亭合濟

在今河南南陽府桐柏縣淮水出其支山曰胎簪泗水出今山東兗州府泗水縣陪尾山四源並發故名沂水

出今山東沂州府沂山舊沂入于泗泗人導江自岷山于淮今為運道所經俱已改流不具載

別為沱過九江會于漢淮為彭蠡東為中江岷山在今四川茂州及松潘衛連亘數千里其一支曰羊膊嶺



江水所出。沱有二。一在梁州。今四川成都府之郫江是。一在荊州。今湖北荊州府之夏水是。九江。即洞庭湖。在今湖南岳州府。接長沙常德二府界。沅。漸。辰。無。叙。西。湘。資。澧。九水匯焉。故曰九江。漢水。出今陝西漢中府寧羌州。嶓冢山。是為東漢水。至湖北之漢陽。入于江。彭蠡。即鄱陽湖。在今江西南康府。與九江。饒州。諸府接界。中江。江之經流。漢為北江。皆注諸海。是為四瀆。獨發源而彭蠡之支為南江。北條之水。入于河。濟。南條之水。入于江。淮。然後人得平土而居之。

丙辰 七十有三載。正月朔。舜受終于文祖。

齊七政。

在察也。璿璣玉衡。以玉為璣。象天之運轉。以璿珠飾之。度時節。以窺天而與璣合。以玉為橫簫。推其分。後世渾天儀象。蓋其法也。以齊七政。日月五星也。

舉羣祀。

類于上帝。禋于六宗。四時寒暑日月星水旱。六宗之說不一。今從蔡沈書傳。望于

山川。徧于羣神。

覲羣后。

輯五瑞。公桓圭。侯信圭。伯躬圭。子穀璧。男蒲璧。擇吉月。日覲四岳羣牧。班

瑞。

丁巳七十有四載。巡守。去聲。下同。

歲二月。東巡守。至于岱宗。泰山。在今山東泰安府泰安縣。柴望秩于山

川。肆覲東后。協時月。正日。同律度量衡。修五禮。吉。凶。軍。賓。嘉。

五玉。三帛。元。纁。黃。二生。羔。鴈。一死。雉。贊如五器。同五禮之器。卒

乃復。五月。南巡守。至于南岳。衡山。在今湖南衡州府衡山縣。如岱禮。八

月。西巡守。至于西岳。華山。注見前。如初。十有一月。朔巡守。至



于北岳。

恒山在今山西大同府渾源州。

如西禮歸格于藝祖。

書傳藝文也。孔穎達

曰藝祖文祖。史變文耳。

用特。特牲謂一牛也。

流共工。

古之世官族也。鄭樵曰共工氏蓋自伏羲之後子孫承傳以至堯舜之世。

于幽州。今順天府。

密雲縣東北有共城。括地志舜流共工于此。

未七十有六載竄三苗。

國名。吳起曰三苗之國左洞庭而右彭蠡是也。考三苗即今湖南溪

崗諸苗其種不一。故唐虞時即號三苗。孔安國以爲縉雲氏之子饕餮是專指一人而言。說不足據。于三危。

山名。在今安西府敦煌縣南。三峯聳峙如危欲墮故名。

制五刑。

象以典刑。

墨劓。剕。宮。大辟。五刑之正。

流宥五刑。

五刑可矜遣之遠去鞭作官刑。

官府之刑。扑作教刑。

學校之刑。

金作贖刑。

罪之極輕。皆過誤。

災不幸肆。

赦怙。

有恃。

終再犯。

賊刑。

庚申七十有七載作大章之樂。

辛酉七十有八載神龜出于洛。洛水出陝西維南縣冢嶺山至河南鞏縣入河。

禹治水時有神龜負文而出列于背有數自一至九。沈

書傳戴九履一左三右七二四為肩六八為足此洛書之數也。禹因而第之以成九類。

癸亥八十載禹治水成功。

禹八年于外三過其門而不入始冀州。冀為帝都三面距河。次充。

濟河為充。次青。海岱為青。次徐。海岱及淮為徐。次揚。淮海為揚。次荆。荆及衡陽為荆。次

豫。荆河為豫。次梁。華陽黑水為梁。次雍。黑水西河為雍。通九川。九州之川。度九山。

九州之山。陂九澤。九州之澤。任土作貢則壤成賦。弼成五服。甸侯綏要

荒外。薄四海。于是禹錫元圭告厥成功。禹以元圭為誓而告成功水色

黑故圭以元。



甲子八十有一載分十二州

肇十有二州

分冀之東為并州東北為幽州青之東北為營州

封十有二山

每州

封表一山以為之鎮

封諸侯錫姓氏

封禹于夏

帝王世紀禹受封在河南陽翟陽翟今開封府禹州是

錫姓姁氏

是為夏后

氏統領州伯以巡十二部契于商

括地志商洛縣契所封商洛故城在今陝西商州武功縣

西商

姓子氏

是為商之始祖

棄于邰

今陝西乾州武功縣有故釐城棄所封

姓姬

氏

是為周之始祖

四岳

共工從孫為四岳之官

于呂

今河南汝寧府新蔡縣有大呂亭古呂國

姓姜氏又加賜伯益姓嬴氏

是為秦趙之祖

癸未百載帝崩于成陽

故城在今山東曹州府濮州

葬穀林

即成陽今堯陵在泰安府

東平州

帝欽明文思。允恭克讓。其仁如天。其智如神。就之如日。瞻之如雲。存心于天下。加志于窮民。仁昭而義立。德博而化廣。故不賞而民勸。不罰而民治。在位百有一年而崩。年一百十七歲。百姓如喪考妣。三載四海遏密八音。舜避帝之子于南河之南。今濮州東有偃朱城。括地志。舜避丹朱于此。天下不歸帝之子而之舜。舜乃即天子位。為有虞氏。

有虞氏

在位四十八載。

帝舜有虞氏

姚姓。曰重華。

淮南子。舜二瞳子。是謂重明。

其先國于虞。

系見前。

故曰有

虞氏。

丙戌

元載。正月。帝即位。



帝服堯喪三年畢。始格于文祖。告卽位。以土德王。色尚赤。

都蒲坂。

故城在今山西蒲州府永濟縣。亦曰虞都城。

詢四岳。

闢四門。明四目。達四聰。

咨十二牧。

帝曰。食哉惟時。柔遠。

寬而撫之。能邇。擾而習之。

惇篤。

厚有德。

允元。

信仁。

人。而難任人。

任古文作壬。拒姦惡也。

蠻夷率服。

命九官。

命禹宅百揆。棄爲后稷。播百穀。契爲司徒。敷五教。皐陶

字庭堅。高陽氏子。考路史以皐陶爲少昊之後四世。今依杜預左傳注。

作士。明五刑。垂

龍。

子。作共工。主工師。益作虞。治山澤。伯夷垂之子。或曰四岳。作秩

宗。典三禮。夔亦曰后夔。典樂。教胄子。龍路史曰晏龍。作納言。出納

帝命。

封堯子朱于丹。今山東青州府臨朐縣東北有丹水。竹書紀年。堯處丹朱于丹水。即此。

初堯讓天下于舜。處子朱于丹淵。即丹水。為諸侯。至是封

朱以奉堯祀。禮樂如之。謂之虞賓。示弗臣也。

封弟象于有庳。今湖南永州府道州有鼻亭水。經注謂之有鼻墟。即有庳也。

象雖為諸侯。不為政。使吏治其國。而納其貢賦焉。

建學。

太學曰上庠。在西郊。小學曰下庠。在國中。

始養老。皇侃曰。養老之禮四。三老五更一也。子孫死王事。養其父祖。二也。致仕之老。三也。庶人之老。四也。



養國老子上庠。養庶老子下庠。俱以燕禮。一獻既畢。皆坐而飲酒。

禹。皐。陶。陳謨。書序。皐陶矢厥謨。禹成厥功。帝舜申之。作大禹。皐陶謨。益稷。

丁亥二載。作五絃琴。

帝作五絃之琴。以歌南風。其詩曰。南風之薰兮。可以解吾民之愠兮。南風之時兮。可以阜吾民之財兮。

戊子三載。考績。

三考。黜陟幽明。

庚寅五載。作九韶樂。

夔為樂正。正六律。和五聲。以通八風。重黎欲求益人。帝曰。一夔足矣。于是作箛韶樂。九成。百獸率舞。鳳凰來儀。

辛卯六載。巡狩。

註疏家以為帝舜之歌先言股肱皐陶磨歌先言元首此君臣交儆之義似矣不知勅命二句即歌語乃歌者永言申歌之意耳皐陶之意亦麗於省成均發於自然而動於不容已謂其交相責難猶未免窺測也

帝五載一巡狩。羣后德讓。貢正聲而九族奏具成。諸侯貢其

正聲。而天子九奏之樂乃具成。

金氏履祥曰。此採詩作樂之始。

己亥十有四載。帝作歌。

帝庸作歌曰。敕天之命。惟時惟幾。乃歌曰。股肱喜哉。元

首起哉。百工熙哉。皐陶拜手稽首。颺言曰。念哉。率作興

事。慎乃憲。欽哉。屢省乃成。欽哉。乃賡載歌曰。元首明哉。

股肱良哉。庶事康哉。又歌曰。元首叢脞哉。股肱惰哉。萬

事墮哉。于時景星出。卿雲興。百工相和而歌。帝乃偶之

曰。卿雲爛兮。糾縵縵兮。日月光華。旦復旦兮。八伯東陽伯。南夏伯。義伯。西秋伯。和伯。北冬伯。和伯。進稽首曰。明明上天。爛然星陳。日

伯。和伯。北冬伯。和伯。進稽首曰。明明上天。爛然星陳。日



月光華。宏于一人。

十有五載。帝載歌曰。日月有常。星辰

配天之靈。遷于賢善。莫不咸聽。萬姓允誠。於子論樂。鼓之。軒乎舞之。菁華已竭。褰裳去之。

丁巳三十有二載。命禹攝位。

帝之子商均不肖。于是命禹攝位。禹讓于皐陶。帝曰。惟汝諧。命之曰。人心惟危。道心惟微。惟精惟一。允執厥中。

戊午三十有三載。禹受命于神宗。

禹受命于堯之廟。率百官如帝之初。

辛酉三十有六載。有苗三苗餘孽格。

時有苗弗率。帝命禹徂征。禹誓師于衆。奉辭伐罪。三旬。苗民逆命。益贊于禹。班師振旅。帝乃誕敷文德。舞干羽于兩階。七旬。有苗格。

癸酉四十有八載。帝崩于蒼梧。山名。亦曰九疑。在今湖南永州府寧遠縣。葬零陵。

帝舜陵。在今寧遠縣東南。

帝濬哲文明。溫恭允塞。臨下以簡。御衆以寬。德若天地而靜虛。化若四時而變物。是以四方風動。暢于異類。鳳翔麟至。鳥獸馴德。年二十。以孝聞。三十。堯舉之。五十。攝天子事。六十一。代堯踐帝位。踐位四十八年。年百有十歲。南巡。遂崩于蒼梧之野。三年喪畢。禹避帝之子于陽城。故城。在今河南府登封縣。天下諸侯不歸帝之子而歸禹。禹乃卽位。爲夏后氏。



御批歷代通鑑輯覽卷之二

夏起禹內子。至桀甲午。凡十七王。十四世。四百三十九年。其桀之乙未。兩繫于夏商之代。紀數則屬于商。

夏后氏大禹史記作帝禹。

姒姓。顓頊之孫。鯀之子。生于石紐。譙周蜀本紀。禹本汶

石紐。廣柔廢縣。在今四川茂州汶川縣西北。地有石紐村。元和志。禹所生處。考唐書地理志。茂州石泉縣。有石

紐山。石泉。今屬龍安府。山下有大禹廟。相傳禹以六月六日生。此今以蜀紀。元和志。為據。長于西羌。

今洮岷。松茂。古為西羌。封夏伯。故曰伯禹。天下宗之。故曰大禹。

子丙元歲。王即位。國號夏。

王既為眾所歸。乃即天子位。因所封國為有天下之號。

以金德王。

都安邑。今山西解州夏縣北。有安邑故城。禹所都。帝王世紀。禹先封陽翟。後都安邑。

以建寅月為歲首改載曰歲。

天開于子。地闢于丑。人生于寅。歲首建寅。得人之正。是

謂人統。以平旦為朔。

朱子論語注。夏以寅為人正。商以丑為地正。周以子為天正。然時以作事。歲月自當以人為紀。故孔子嘗曰。吾得夏時焉。而又以告顏子也。

色尚黑。

牲用元。戎事乘驪。馬深黑色。朝燕服。收。冕屬。取斂髮之義。冠而黑衣。

封丹朱于唐。即堯初所封。注見前。商均于虞。今河南歸德府虞城縣。

立貢法。

一夫受田五十畝。每夫計其五畝之入以為貢。

建學。



國學曰學。大學為東序。在國中。小學為西序。在西郊。鄉學曰校。

養老。

養國老于東序。養庶老于西序。俱以饗禮。體薦不食。爵

不坐以尊卑為獻數畢而止。

作大夏樂。

命臯陶為夏箛九成。

淮南子。夏后氏其樂夏箛九成。箛樂器也。

昭成功也。

定車制。

初黃帝作車。少昊加牛。奚仲

任姓。黃帝之後。封于薛。是為薛之始祖。薛故城在今

山東兗州府滕縣。

加馬。王乃命仲為車正。建綏。

讀為蕤。施。即干旄。旄。日施。

旗尾也。

以別尊卑等級。

以五聲聽治。

揭鐘鼓磬。

石音鐸之器。

鈴屬。

鞀與鞀同。小鼓也。

五器于庭而銘于龔。

簠。

橫曰簠。植曰簠。所以懸樂器。

曰導寡人以道者過鼓。喻以義者鼓。

鐘。告以事者振鐸。語以憂者擊磬。有獄訟者揮鞀。常曰。

吾不恐四海之士留于道路。恐其留吾門也。故嘗一沐。

三握髮。日中不暇食。以禮有道士焉。

絕旨酒。

儀狄。

人名。戰國策。昔者帝女令儀狄作酒。路史以儀狄為帝女。非是。

作酒。王飲而甘之。

曰。後世必有以酒亡其國者。遂疏儀狄而絕旨酒。

會諸侯于塗山。

在今江南鳳陽府懷遠縣。山南有禹會村。

承唐虞之盛。執玉帛者萬國。

塗山之會。執玉帛者萬國。與黃帝百里之國。萬區同。一荒渺。未洪邁。多譏其。



安履祥金氏以為史傳之  
侈辭良然

丑二歲。皐陶薨。

王舉皐陶將授政。而皐陶薨。封其後于英。今江南六安州英山縣有

古英氏城。史記索隱。皐陶六。今六安州。之後封此。後改為蓼國。古六國也。

舉益為相。

戊寅三歲。考功。

巳卯四歲。鑄九鼎。

王復九州。九牧貢金。鑄鼎象物。使民知神姦。入山林川澤。不逢不若。用能協于上下。以承天休。

庚辰五歲。巡狩。

王出見罪人。下車問而泣之。左右曰。罪人不順道。君王何為痛之。王曰。堯舜之人。皆以堯舜之心為心。寡人為

禹鑄九鼎。漢書及他紀載皆同。金氏履祥獨據墨子之說。以為后啟所鑄。捨經傳而從子書。非是。至鑄鼎象物。左傳猶稱近古。胡氏宏乃以為圖九州道里貢賦。夫道里貢賦。何以稱象物耶。蓋好異逞臆之病。紀事者所不免。

君。百姓各自以其心為心。是以痛之。王濟江。注見前。黃龍

負舟。舟人恐。王神色不變。曰。吾受命于天。竭力以勞萬

民。生性也。死命也。龍何為者。須臾。龍俛首低尾而逝。

未<sup>癸</sup>八歲。會諸侯于會。與檜稽。今浙江紹興府會稽縣。防風

氏。今浙江湖州府武康縣。古防風氏國。後至。戮之。

王崩。葬會稽。大禹陵在會稽山。

王會諸侯。計功而崩。因葬焉。命曰會稽。會稽者。會計也。王敏給

克齊。其德不違。其仁可親。其言可信。聲為律。身為度。不

寶尺璧。而貴寸陰。聞善言則拜。見耕者五耦而式。過十

室之邑必下。為有秉德之士存焉。是時天下殷盛。公家

有三十年之積。私家有九載之儲。政令流行。百姓親睦。

祇台德先之世。即有不共命。若防風氏者。易所謂不寧方來。後夫凶也。後至之誅。蓋有不得已然。周書曰。其克詰爾戎兵。以陟禹之迹。亦可見大禹立政之大端矣。



王年十四而始用。九十三而踐位。百歲而崩。在位八年。  
既崩。益避王之子于箕山。在今河南河南府登封縣。之陰。天下不歸  
益而歸王之子。啟乃即天子位。

后啟

禹娶塗山氏。

漢書地理志九江郡當塗。應劭曰。禹所娶塗山侯國也。當塗故城在今鳳陽府懷

遠縣。生啟。荒度土功。過門弗入。塗山氏能明訓教。啟化其

德。卒成令名。

見列女傳。

甲申

元歲。諸侯奉嗣子即位。

金氏履祥曰。三代以來。嗣君皆踰年而稱元。與堯舜禹之間不同。故胡氏大紀于啟甲申書元。今從之。

乙酉

二歲。伯益歸政就國。

後益薨。王歲以犧牲祀之。

鈞臺之享史書不言歲月然當在伯益歸政之後蓋初年尚在宅憂不當大享三年啟始親政諸侯來朝是以有鈞臺之享是時諸侯皆至而有扈不服故有甘之戰即此知啟之賢能敬承禹之道矣

丙三歲大享于鈞臺。在今河南開封府禹州大陵之西。俗曰臺陂。亦曰啟筮亭。地道記。昔夏后

啟筮享神于大陵。即此。

王既即位。諸侯會同。乃即鈞臺而大享焉。

伐有扈。今陝西西安府鄠縣夏扈國。

有扈氏不服。王伐之。召六卿而誓曰。有扈氏威侮五行。

怠棄三正。天地人之道。天用勦絕其命。今予惟恭行天之罰。

大戰于甘。今鄠縣西南有甘亭。啟誓師處。亦曰甘澤。遂滅有扈。

壬辰九歲序九辯九歌。朱子楚辭集註。九辯九歌皆禹樂。

禹象功作樂。曰九辯九歌。王敬承禹功。乃序其樂而歌之。

王崩。子太康立。



王繼世而有天下。持禹之功不替。德教施于四海。在位九年而崩。年九十一。

后太康

癸巳元歲。

王尸位。以逸豫滅厥德。黎民咸貳。夏政始衰。

辛亥

十有九歲。王畋于洛表。

洛水。注見前。

羿距王于河。

洛在河南。羿距于河

北。

王居陽夏。

今河南陳州府太康縣。

王畋于有洛之表。十旬弗反。有窮后羿。

蔡沈書傳。窮國名。羿窮國君之

名。因民弗忍。距于河。王不得入國。遂築陽夏之城而居

焉。

太康縣陽夏故城。路史。夏太康所築。

五子作歌。

太康失邦。昆弟五人。須于洛汭。

洛水入河之處。

乃述大禹之戒。

以作歌。

其一日。皇祖有訓。民可近。不可下。民推邦本。本固邦寧。子視天下。愚夫愚婦。一能勝予。一人三

失。怨豈在明。不見是圖。子臨兆民。稟乎若朽索之馭六

馬。爲人上者。奈何不敬。其二曰。訓有之。內作色荒。外作

禽荒。甘酒嗜音。峻宇雕牆。有一于此。未或不亡。其三曰。

惟彼陶唐。有此冀方。今失厥道。亂其紀綱。乃底滅亡。其

四曰。明明我祖。萬邦之君。有典有則。貽厥子孫。關石和

鈞。王府則有。荒墜厥緒。覆宗絕祀。其五曰。嗚呼曷歸。予

懷之悲。萬姓仇予。予將疇依。鬱陶乎予

心。顏厚有忸怩。弗慎厥德。雖悔可追。

辛酉

二十有九歲。王崩于陽夏。弟仲康立。

王在位十九歲。失政十歲而崩。

后仲康。

五子之一。

壬戌

元歲。命胤侯。

胤。國名。路史以爲利之胤山。地在今四川保寧府廣元縣。

掌六師。



秋九月朔辰弗集于房。

劉氏炫曰房所舍之次也。集會也。會合也。不合則日蝕可知。

癸亥二歲命胤侯征羲和。

侯告于衆曰。羲和顛覆厥德。沈亂于酒。畔官離次。俶擾天紀。遐棄厥司。乃季秋月朔。辰弗集于房。瞽奏鼓。嗇夫馳。庶人走。羲和尸厥官。罔聞知。政典曰。先時者殺無赦。不及時者殺無赦。今予以爾衆士。奉將天罰。爾衆士同力王室。尚弼予欽承天子威命。

林氏之奇曰。仲康卽位之始。卽能命胤侯掌六師。以收兵權。羲和之罪。雖曰沈亂于酒。然黨于羿。同惡相濟。胤侯承王命征之。以剪羿之羽翼。故終仲康之世。羿不得以逞。

甲子三歲羿滅伯封。

伯封。后夔之子也。羿滅之。夔是以不祀。

金氏履祥曰。左傳所載伯封事。似失之誣。不具錄。據路史。禹命伯封。叔作衍歷。是伯封夏之天官。仲康征羲和。而夷羿滅伯封。直與王室爭諸侯耳。

甲戌 十有三歲。王崩。子相立。

后相

乙亥 元歲。徙都商邱。今河南歸德府商邱縣。

王為羿所逼。遷于商邱。依斟灌。今山東青州府壽光縣東北。有斟灌城。應劭曰。

古斟灌。斟尋氏。今山東萊州府濰縣東。有禹後。斟亭。應劭曰。古斟尋。禹後。

征吠夷。九夷之一。

辛巳 七歲。吠夷來賓。

自太康失政。四夷背叛。及王即位。始征吠夷。七歲。然後

商邱在河南而斟灌斟尋乃在山東青萊所謂馬牛風不相及何能相依或其時來從王難耶然云相依則是藉其土地民人之勢也古史荒畧鮮實可見一斑



來賓

壬午八歲寒國名今山東萊州府濰縣東有寒亭古寒國泥寒君之子殺羿

羿自鉏今河南衛輝府滑縣有鉏城羿初居于此遷于窮石左傳注河南有窮谷羿所遷也

因夏民以代夏政恃其善射不修民事而淫于原獸棄

武羅伯因熊髡龍圜四人皆羿之臣也而用伯明氏寒國之君之讒

子寒泥使為已相泥行媚于內施賂于外愚弄其民而

虞同娛羿于田樹之詐慝以取其國外內咸服羿猶不

悛將歸自田家眾逢音龍蒙路史作龐門殺而烹之

寅二十有八歲寒泥使其子澆弑王于帝邱注見前王后緡

歸于有仍路史仍太昊後即任也地在今山東兗州府濟寧州臣靡奔有鬲氏今山東濟

南府德州北有鬲縣故城古鬲國

浞因羿室生澆。即豷。及豷使澆用師滅斟灌斟尋遂弑

王。王后緡方娠逃出自竇歸于有仍。遺臣靡奔有鬲。浞

乃處澆于過。今萊州府掖縣北有過鄉。括地志寒浞處澆于此。處豷于戈。左傳

在鄭宋之間。孔穎達曰傳所云鄭宋之隙地。戈。岳錫是也。

### 后少康

癸卯元歲相后緡生少康于有仍。

金氏履祥曰癸卯以後呈極經世缺四十年不書胡氏大紀即以少康所生之年為元歲蓋少康既生則夏統不絕今從之。

甲子二十有二歲少康自有仍奔虞。注見前。

少康為仍牧正。毒也。澆能戒。備也。之澆使椒。澆臣。求

之逃奔有虞為之庖正。虞思。虞君。于是妻之以二姚而

國之統繫於君春秋之義君在即大統歸之新莽書更始之年則天紀房陵之蹟皆此意也胡氏大紀以少康所生之年為元歲足糾皇極經世之誤然是時夏之不亡其亦綫耳



邑諸綸。

今虞城縣東南有綸城。括地志。夏少康邑。

有田一成。有衆一旅。能布

其德。而兆其謀。以收夏衆。撫其官職。

壬午

四十歲。靡誅寒浞。立王。王誅澆。及豷。

靡自有鬲氏。收二國。

灌尋。

之燼。以滅浞。而立少康。少康

使女艾。

少康臣。路謀候也。史。女作汝。

澆使季杼。

少康子。

誘豷。遂滅過。

戈。復禹之績。祀夏配天。不失舊物。

胡氏宏曰。少康。靡鬲。受困阨而不渝。濱死亡而不懈。競業。經營四十年。然後克殄元凶。不失舊物。故唐臣虞世南。論歷代中興之主。以少康爲冠。

方夷

亦九夷之一。

來賓。

夷人久畔。王旣立。遂賓于王門。獻其樂舞。

癸卯

六十有一歲。封庶子無余于越。

是爲於越之祖。

禹葬會稽。太康而後。歲弗及祀。王乃封其少子于越。號

曰無余。從民所居。居于秦餘。今會稽縣東有侯城。水經注。越無余初居于此。春

秋奉禹祀。

王崩。子杼立。

王生長艱危。備嘗險阻。卒成再造之功。為中興之主。年

四十而復國。在位實二十二歲。

后杼。史記作子。路史作伯杼。前編作季杼。

甲辰元歲。

戊申五歲。征東海。伐三壽。路史以為即平壽。今萊州府濰縣有平壽故城。

庚申十有七歲。王崩。子槐立。

王佐少康。戡定寒氏之亂。帥禹之道。故夏后氏報焉。宗其



有德也。

后槐

帝王世紀作芬。

辛酉元歲。

丙戌

二十有六歲。王崩。子芒立。

后芒

史記。芒一名和。

丁亥

元歲。以元圭賓于河。乃東狩于海。

甲辰

十有八歲。王崩。子泄立。

后泄

路史作洩。是為世宗。

乙巳

元歲。加六夷爵命。

畎夷。白夷。赤夷。元夷。風夷。陽夷。六屬來王。于是始加爵命。

後漢書卷之二十一  
卷之二十一

卷之二十一

九

庚申十有六歲王崩子不降立

后不降世紀作帝降

辛酉元歲

丙寅六歲伐九苑戎名

巳未五十有九歲王崩弟局立

后局路史或曰高陽

庚申元歲

庚辰二十有一歲王崩子厯立

后厯世紀一名頓

辛巳元歲

辛丑二十有一歲王崩不降之子孔甲立



后孔甲

壬寅元歲。

甲辰三歲。以劉累陶唐氏之後。生而有文。在手。曰劉累。因以為名。為御龍氏。

時天降二龍。雌雄各一。王不能食。音嗣。有劉累者。學擾

龍于豢龍氏。左傳。叔安裔子曰董父。能擾畜龍。以服事舜。舜賜之姓曰董氏。為豢龍。能飲

食之。王嘉累。賜氏曰御龍。龍一雌死。潛醢以食王。既而

王使求之。累懼。奔魯。今河南汝州魯山縣。

採首山。注見前。鐵鑄劍。陶弘景古今錄作八歲。今依前編輯。

戊辰二十有七歲。商湯生。

契封于商。十二傳而至主癸。契生昭明。昭明生相土。相土生昌若。昌若生曹圉。曹

圉生冥。冥生振。振生微。微生報丁。報丁生報乙。報乙生報丙。報丙生主壬。主壬生主癸。生履。是為

成湯。

帝王世紀。主癸之妃扶都。見白氣貫月。感而生湯。

三十有一歲。王崩。子皐立。

王好事鬼神。肆行淫亂。作破斧之歌。是為東音。諸侯化之。夏政日衰。

后皐

元歲。

十有一歲。王崩。子發立。

后發

路史作敬發。亦曰發惠。

元歲。

十有九歲。王崩。子癸立。

是為桀。

后癸



癸卯元歲

王浮虐有殊力。能伸鉤索鐵。生裂兕虎。負恃其勇。不務德而武傷百姓。有趙梁者。教為無道。勸以貪狠。百姓弗堪。

甲子二十有二歲。公劉路史。公劉去后。蓋十餘世。遷于豳。今陝西邠州。三水縣有豳城。公劉所居。

初。舜封后稷于邰。注見前。子孫實世稷官。服事虞夏。傳至

不窋。史記以不窋為后稷之子。譙周引國語辯之。以為不合事情。張守節。羅泌等。亦言其非。辭繁不具載。

值夏道衰。去稷弗務。用失其官。竄于戎狄之間。程大昌曰。慶州。

有不窋城。慶州。今甘肅慶陽府是。再世至公劉。不窋生鞠。鞠生公劉。乃徙于豳。復

修后稷之業。百姓懷之。多徙而歸焉。周道之興自此始。

乙亥

三十有三歲伐蒙山有施氏進妹喜。

章昭國語注有施喜姓國妹其女也。

自孔甲之後王室德政日衰諸侯或不朝王伐蒙山有

施氏有施氏進女妹喜王嬖之所言皆聽妹喜好聞裂

繒聲王發繒裂之以順適其意為瓊室象廊瑤臺玉牀

行淫縱樂政事怠廢又為肉山脯林酒池可以運舟一

鼓而牛飲者三千人以爲戲劇。

丁丑

三十有五歲商湯嗣為諸侯始居亳。

周書立政二亳皇

卽景亳湯受命之地穀熟為南亳湯初所都偃師為西亳湯後所都盤庚徙此北亳今歸德府商邱縣之薄縣故城是南亳今商邱縣之南亳城是西亳今河南府偃師縣之亳城是。

自契至于成湯八遷。

契居商昭明居砥石相土居商邱湯居亳孔穎達曰事見經傳者有

此四遷餘

湯始居亳。

卽南亳。



戊寅三十有六歲。商湯征葛。今歸德府寧陵縣有葛鄉。夏葛伯國。

湯為方伯。得專征伐。葛伯不祀。湯始征之。書序。湯征葛伯。作湯征。今

其篇

己卯三十有七歲。商湯進伊尹。

伊尹名摯。皇甫謐曰。力牧之後。生于空桑。今開封府杞縣西。有空桑城。寰宇記。伊尹生于此。耕

于有莘。今山東曹州府曹縣北。有莘城。古莘國。之野。湯三使往聘之。尹乃

就湯。湯薦尹于王。自亳凡五適夏。告以堯舜之道。王終

不聽。

壬午四十歲。伊尹復歸亳。

王與羣臣俱沈湎于酒。羣臣相持而歌曰。盍歸于薄。即

亳。薄亦大兮。伊尹聞之。進告于王曰。天命之亡有日矣。

王啞然笑曰。吾有天下。如天之有日也。日有亡乎。日亡。

吾乃亡耳。于是伊尹接履而趨。復歸于亳。書序伊尹去亳適夏。既醜

有夏。復歸于亳。入自北門。遇汝鳩。汝方。作汝鳩。汝方。金氏履祥曰。孟子伊尹五就湯桀之說。或本此書。惜其篇

亡。不可考矣。

蘇氏轍曰。伊尹以處士從湯。及其適夏。湯與知之。其君臣之心。以為伐桀以濟斯世。不若使尹事桀以止其亂。雖使夏不亡。商不興。無憾也。及其不可復輔。于是舍而歸商耳。其後文王事紂。亦為之三公。至將囚而殺之。然後棄之而西。蓋湯之于桀。文王之于紂。其不欲遽取之者如此。此所以為湯文。而非後世之所能及也。歟。

申四十有二歲。囚商湯于夏臺。即鈞臺。既而釋之。

湯出。見人張網四面。湯解其三面。祝曰。欲左者左。欲右者右。惟不用命者。乃入吾網。諸侯聞之。曰。湯德及禽獸。歸之者四十餘國。王疾其大得諸侯和也。召之。囚于夏



臺已而得釋。

王辰

五十歲會諸侯于有仍氏。

注見前。

有緡氏。

今山東兗州府金鄉縣有東緡

故城夏有緡國。叛攻克之。

王肆其侈心。為有仍之會。有緡氏見王汰侈弗善也。引

師先歸。王怒。率諸侯攻克之。愈自矜肆。諸侯韋氏。

今衛輝府

滑縣有韋城廢縣。

顧氏。

今曹州府范縣有古顧城。夏顧國。

昆吾氏。

今直隸大

各府開州有昆吾故城。夏昆吾國。與顧國俱已姓。

助王之惡以虐其民。

癸巳

五十有一歲。太史令終古犇商。

王鑿池為夜宮。男女雜處。三旬不朝。終古執圖法泣諫。

不聽。遂犇商。

冬十月。鑿山穿陵。以通于河。

諫者曰。洩天氣。發地藏。天子失道。後必有敗。王殺之者。老或諫。王又殺之。王見錄書云。亡夏者桀。于是大誅豪傑。大費益。即伯之後。曰費昌。徙族以歸于湯。

甲午五十有二歲。殺諫臣關龍逢。音龍。

王不道愈甚。關龍逢進諫曰。古之人君。愛民節用。享國之日長。今王用財若無窮。殺人若弗勝。亡無日矣。盍少悛乎。不聽。龍逢立而不去。王怒。遂殺之。

兩日鬪。五星錯行。泰山崩。伊洛竭。

伊水。出陝州盧氏縣熊耳山。至河南府偃師縣。

入洛。洛水。

注見前。

乙未五十有三歲。湯伐昆吾。遂攻鳴條。

今山西解州安邑縣。有鳴條岡。王師

敗。王奔南巢。

今江南廬州府巢縣。有桀王城。桀奔此。

夏亡。



昆吾氏爲亂。湯乃興師。率諸侯。伊尹相湯。湯自把鉞以

伐昆吾。遂誓師。攻鳴條。書序。伊尹相湯伐桀。戰于鳴條之野。作湯誓。王師敗

績。王奔南巢。因放焉。書傳。王出太行涉河。奔南巢。湯縱而不迫。故稱放。後三年。

卒于亭山。淮南子作歷山。即今江南和州歷陽山。王滅德。任威。棄義。聽讒。

諸侯危其位。大夫隱其道。舉事戾于天。發令逆其時。遂

至于亡。自禹至桀。十七君。十四世。合紀共四百三十有

九年。邵子經世書。夏起自禹丁巳。蓋統攝政之年而紀之也。繫夏亡于桀之甲午。蓋以乙未歲爲湯革命

之年也。今自禹丙子卽位。至桀乙未。繫于夏商之代。巢。總而計之。其乙未歲。兩繫于夏商之代。

商起湯乙未。至紂戊寅。凡二十八王。十六世。六百四十

商王成湯

子姓。名履。一曰天乙。契之十三世孫。系見前。以有武德。亦

曰武王

詩商頌武王載旆。史記湯號曰武王。

乙未

十有八祀

即夏桀五十三歲。

春三月王即位于亳。國號商。

王歸自克夏。諸侯咸推王為天子。王再拜而讓者三。乃

即位于亳。

帝王世紀湯歸于亳再拜而從諸侯之位。曰天下惟有道者宜處之。三讓乃即天子位。

因所封國為有天下之號。以水德王。

金氏履祥曰古史不載湯改元。劉道原載之非其實也。湯之元已立于桀之三十六歲。又可改乎。

都亳

史記正義湯即位。都南亳。後徙西亳。

改建丑月為歲首。歲曰祀。

十二月建丑。得地之正。是為地統。

以雞鳴為朔。

色尚白。

牲用白牡。戎事乘翰。

白馬。

朝燕服。皞

音許。取覆飾之義。

冠而縞。



衣。

大誥諸侯。

書序。湯既黜夏命。作湯誥。

諸侯來朝。乃作誥與天下更始。

以伊尹仲虺。

即萊朱。奚仲之後。

為相。

伊尹為左相。仲虺為右相。虺因王放桀有慚德。乃作誥

以釋之。

書序。湯歸自夏。至于大坰。仲虺作誥。傳大坰地名。

立禹後。及古聖賢之裔。封孤竹。

今直隸永平府古孤竹國。神農之後。史記索隱。孤竹

君。商湯所封。應劭曰。姓墨胎氏。等國有差。

告羣后曰。古禹臯陶。久勞于外。四瀆已修。萬民乃有居。

后稷降播。農殖百穀。三公咸有功于民。故後有立。

禹之後。封

杞。後為東樓公。周再封。稷之後。公劉居豳。臯陶之後。咎單為司空。伯益之後。費昌亦為諸侯。奚仲之後。仲虺為

相

制爵祿。

制爵。公。侯。

皆百里。

伯。

七十里。

子。男。

皆五十里。

不能

凡五等。諸

侯之上大夫卿。下大夫。上士。中士。下士。亦五等。天子之

三公視諸侯。卿視伯。大夫視子男。元士視附庸。制祿。凡

國之君。皆十卿祿。卿。四大夫祿。

次國三大夫。小國倍。

下大夫倍上

士。上士倍中士。中士倍下士。下士視上農夫。庶人在官

者。

府史胥徒之屬。

其祿視農夫上

食九人。次食八人。

中

食七人。次食六人。

下。食

人。之次爲差。

金氏履祥曰。王制與周禮不同。舊說以爲殷禮。故依胡氏採錄。以見成湯紀綱天下之大規。

立助法。



爲井田之制。以六百三十畝之地。畫爲九區。區七十畝。中爲公田。其外八家。各授一區。但借其力以助耕公田。而不復稅其私田。故曰助。

建學。

國學曰學。大學爲右學。在西郊。小學爲左學。在國中。鄉學曰序。

養老。

養國老于右學。養庶老于左學。俱以食禮。有飯有殽。設酒而不飲。以飯爲主。

制官刑。

儆于有位。曰。敢有恒舞于宮。酣歌于室。時謂巫風。常歌常舞。

若巫覡然。敢有殉于貨色。恒于遊畋。時謂淫風。過而無度。敢有侮

聖言。逆忠直。遠耆德。比頑童。時謂亂風。悖禮曰亂。惟茲三風

十愆。卿士有一于身。家必喪。邦君有一于身。國必亡。臣下不匡。其刑墨。具訓于蒙士。

始作圉。

取禽獸以奉宗廟。

作器用之銘。

諸器用皆作銘。以自警戒。其盤銘曰。苟日新。日日新。又日新。

作大濩樂。

命伊尹作樂。曰大濩。呂氏春秋。湯放桀。黜首安寧。乃命伊尹作爲大濩。



丙申十有九祀。大旱。

祀棄以配稷。

舊以農炎帝子柱配稷。至是大旱。易以棄配。

戊戌二十有一祀。鑄金幣。

伊尹言于王。發莊山。鹽鐵論作嚴山。考漢書。蜀嚴道有銅山。後漢避諱。改莊為嚴。此莊山。

蓋卽嚴道之銅山也。之金。鑄幣以賑民。

辛丑二十有四祀。禱于桑林。地名。呂氏春秋。周封湯後于宋。以奉桑林。據此。桑林當在宋地。

雨。

應天以實不以文。六事自責。湯之至誠。對天如此。其致雨不致雨。非湯所敢逆料。舊說身為犧牲。剪髮斷爪。非聖人所為。殊不足據。

大旱七年。王禱于桑林之野。祝曰。毋以予一人之不敏。

傷民之命。以六事自責。曰。政不節與。民失職與。宮室崇

與。女謁盛與。苞苴行與。讒夫昌與。言未已。大雨方數千

里。胡宏大紀。湯禱桑林而雨。天下謹洽。遂作桑林之樂。名曰大濩。前編載之。考左傳。宋公享晉侯于楚邱。請

以桑林。注。桑林。殷天子樂。孔穎達疏曰。湯樂大濩。其曰桑林。先儒無說。唯皇甫謐云。殷樂。一名桑林。然亦無文

可憑。今依孔疏。大紀之說不取。

丁未三十祀。王崩。葬汾陰。成湯陵。在今山西蒲州府榮河縣。文獻通考。宋太祖初。給守陵戶。

廟號烈祖。孫太甲立。

王天錫智勇。用集大命。與人不求備。檢身若不及。旁求

俊彥。子惠困窮。克寬克仁。兆民允懷。立十八祀而革夏

正。踐天子位。十三祀而崩。年百歲。子太丁早卒。外丙二

年。言止。仲壬四年。止四歲。伊尹奉太丁之子太甲即位。考

子。外丙二年。仲壬四年。史記以為即位二年四年而崩。趙岐孟子注並同。程子則謂古人謂歲為年。湯崩時。外

丙二歲。仲壬四歲。惟大甲差長。故立之。大紀亦言成湯必不舍孫而立子。且經世書亦無外丙仲壬名世。辨之

程子之說原本書傳及孔穎達疏最為明確即以經世書申子推之太甲立于戊申直接湯之丁未中間亦並無六年之缺則外丙二年仲壬四年是生年如俗所云年幾歲而已非在位年更無疑義



尤詳今以程子  
為據。不從史記。

王太甲

戊申

元祀伊尹奉王見于祖。

書序太甲元年伊尹作伊訓。肆命祖后凡三篇其二亡。

伊尹祠于先王。奉嗣王祇見厥祖。百官總已以聽冢宰。

伊尹乃明言烈祖之成德以訓于王。

王居于桐宮。

書傳桐湯葬地。元和志聞喜縣桐鄉故城在縣西南。舊以為伊尹放太甲之所。今考其地。

與滎河  
湯陵近。

王習與性成。欲敗度。縱敗禮。罔念聞伊尹之戒。伊尹乃營桐宮而居之。曰。密邇先王其訓。無俾世迷。

巳酉

二祀王在桐宮。

庚戌

三祀伊尹奉王歸于亳。

王居桐三年。處仁遷義。伊尹以冕服奉王歸亳。復政于

王。

書疏。太甲自初立。至放而歸。伊尹每進言以戒。史叙其事。作太甲三篇。

以伊尹爲保衡。

書疏。湯時。伊尹爲阿衡。至太甲。改爲保衡。言爲天下所取安。所取平也。

伊尹告歸。

伊尹旣復政。將告歸。又陳戒于王。

作威有德。

王益修厥德。

諸侯咸服。百姓以寧。

庚辰

三十有三祀。王崩。廟號太宗。子沃丁立。

商代祖有功而宗有德。王克終湯業。故號曰太宗。

王沃丁

辛巳

元祀

戊子

八祀。保衡伊尹薨。



王親弔臨。祀以太牢。以三公禮葬之于亳。皇覽伊尹冢在已氏平利

鄉已氏故城在今山東曹州府曹縣縣東南有伊尹墓

以咎單為相。

咎單訓伊尹之事。作書以告于王。篇名沃丁今亡

己酉二十有九祀。王崩。弟太庚立。

王太庚

商世兄終弟及者。自太庚始。

庚戌元祀。

甲戌二十有五祀。王崩。子小甲立。

王小甲

乙亥元祀。

卯<sup>辛</sup>十有七祀。王崩。弟雍已立。

王雍已

辰<sup>壬</sup>元祀。

王居位。不能綱紀庶政。號令不行。諸侯或不朝。商道始衰。

卯<sup>癸</sup>十有二祀。王崩。弟太戊立。

王太戊

小甲之弟。太庚之子。

辰<sup>甲</sup>元祀。以伊陟。臣扈。爲相。巫咸佐之。巫咸。臣姓名。天文家謂殷宣夜之法。巫咸

爲之。

陟。尹之子也。與扈及咸輔王。大修成湯之政。商道復興。



桑穀共生于朝。

書序伊陟贊于巫咸。作咸又四篇。今亡。

時有祥桑穀共生于朝。

書傳祥妖怪。二木共生。不恭之罰。

一暮大拱。王

懼。伊陟曰。臣聞妖不勝德。王其修德。王從之。三日而祥

桑枯死。

丙午

三祀。諸侯畢朝。

王修先王之政。明養老之禮。早朝晏退。問疾弔喪。三年。遠方慕義。重譯而至者七十六國。

戊午

七十有五祀。王崩。葬河北。

中宗陵在今河南彰德府內黃縣。宋開寶間樹碑。廟

號中宗。子仲丁立。

王嚴恭寅畏。天命自度。治民祇懼。不敢荒寧。成湯之後。至王而中興焉。

王仲丁

己未元祀。

甲子六祀。遷都于囂。

史記作傲。即敖山。在今開封府滎澤縣西北。水經注。山上有城。即仲丁所遷。

辛未十有三祀。王崩。國內亂。弟外壬立。

王外壬

壬申元祀。

丙戌十有五祀。王崩。弟河亶甲立。

王河亶甲

丁亥元祀。徙都于相。

今彰德府內黃縣南有殷城。括地志。河亶甲所都。

囂有河決之患。故遷相。商復衰。

乙未九祀。王崩。子祖乙立。



王祖乙

丙申元祀徙都耿。今山西蒲州府河津縣有耿城水經注商祖乙徙此。

時相又有河決之患爰自相而遷于耿。

甲辰九祀耿圯徙邢。今直隸順德府邢臺縣通典商祖乙遷邢即此。

耿復為水所圯乃徙邢而都焉。書序仲丁遷囂作仲丁河亶甲居相作河亶甲。

祖乙圯于耿作祖乙今其篇皆亡。

以巫賢為相。

賢咸之子也為相任職諸侯賓服天下大和。

甲寅十有九祀王崩子祖辛立。

主祖辛

乙卯元祀。

庚午十有六祀。王崩。弟沃甲立。

王沃甲

辛未元祀。

乙未二十有五祀。王崩。國亂。祖辛之子祖丁立。

王祖丁

丙申元祀。

丁卯三十有二祀。王崩。沃甲之子南庚立。

王南庚

戊辰元祀。

壬辰二十有五祀。王崩。祖丁之子陽甲立。

王陽甲



癸巳元祀諸侯不朝。

自仲丁以來廢適而更立諸弟子。諸弟子或爭相代立。比九世亂。于是諸侯莫朝。

己亥七祀王崩弟盤庚立。

王盤庚

庚子元祀遷都于殷。即西亳。今偃師。改國號曰殷。

時都河北已久。宮室奢侈。民居墊隘。水泉渴鹵。不可以

行政化。王欲徙成湯之故都。臣民安土重遷。咸相咨怨。

王乃作書告諭。書序盤庚將治亳殷。民咨胥怨。作盤庚三篇。渡河而南。復居

于亳。改國號曰殷。故曰亳殷。遵湯之德。行湯之政。商道復興。

諸侯來朝。

書序盤庚五遷蓋自湯徙西亳由是而囂而相而耿而邢凡經五徙正經所謂不常厥邑于今五邦也後儒以書序無遷邢之文遂以耿即為邢又以盤庚自耿遷亳合數為五不知神乙圻于耿書序已明載之而遷邢之文又見經世書何說經家之好為聚訟耶

丁卯二十有八祀。王崩。弟小辛立。

王小辛

戊辰元祀。

殷道復衰。

戊子二十有一祀。王崩。弟小乙立。

王小乙

己丑元祀。

甲寅二十有六祀。幽亶父遷于岐。岐山在今陝西鳳翔府岐山縣東北。顏師古曰。其山兩岐。故國曰周。今岐山縣有周原。帝

亶父號古公。繼公劉居幽。

世本。公劉慶節。皇僕。差弗。榆。公非。辟方。高圉。侯牟。亞圉。

雲都。祖紺。諸盤。亶父。考史記。慶節以下。較世本。名或不同。世有關漏。今故不採。能修世業。狄



人侵之。乃遷岐山之下。民從之者如市。改號其國曰周。

後漢書郡國志。美陽有周城。美陽故城在今鳳翔府岐山縣。

丙辰二十有八祀。王崩。子武丁立。

王武丁

丁巳元祀。王宅憂。以甘盤為相。

王舊學于甘盤。至是踐位。以甘盤為相。亮陰。音同庵。三年。

不言。百官總已以聽于冢宰。

己未三祀。得傳說為相。

王既免喪。猶不言。羣臣咸諫。王于是思建良輔。夜夢得

聖人。曰說。以夢所見視羣臣百吏。皆非。乃使百工圖其

像。求之野。時說為胥靡。築于傅巖。史記作險。今山西解州平陸縣有聖人窟。

高宗中興。令主然圖像傳。巖之事致疑。傷誕。或當居。民間時物色久屬。特以起。胥靡而作相。恐人望未厭。托之夢。資圖形所為神道。

設教而已君非高宗臣非  
傅說如之何其可

說版築處得之見王王曰是也與之語果聖人爰立為相以

傅巖姓之號曰傳說

作說命三篇

命說總百官咨學于說

王曰來汝說爾惟訓于朕志說曰王人求多聞時惟建  
事學于古訓乃有獲惟學遜志務時敏厥修乃來允懷  
于茲道積于厥躬

戊子

三十有二祀彤

音融祭之明日又祭曰彤

有雉雉于鼎

彤祭禰廟有飛雉升鼎耳而雊王懼祖已

奚仲之後曰王勿

憂先修政事乃作書以訓于王

曰高宗彤日

王修政行德天

下咸驩

伐鬼方

朱子詩經集傳商頌殷武祀高宗之樂易曰高宗伐鬼方三年克之蓋謂此歟考鬼方後漢書通



典通考。皆以爲西戎。土應麟曰。大戴禮。帝繫篇。陸終娶鬼方氏。生子六人。六曰季連。芊姓。楚其後也。可以證朱子集傳之說。今依之。

鬼方恃固而擾諸夏。王伐之。三年乃克。自是內外無患。

殷道復興。

乙卯

五十有九祀。王崩。葬西華。

殷高宗陵。在今陳州府西華縣。宋太祖初。給守陵戶。廟

號高宗。子祖庚立。

王爲主于時。父小乙。欲其知民疾苦。使居民間。與小民出入同事。故于稼穡艱難。備嘗知之。及卽位。不敢荒寧。嘉靖殷邦。至于小大。無時或怨。遂成中興之業。

王祖庚

丙辰元祀。

戊戌七祀王崩弟祖甲立。

王祖甲

初高宗欲廢祖庚而立王。王以爲不義而逃去。及祖庚崩。國人卒立之。

癸亥元祀。

庚寅三十有八祀。周古公亶父薨。子季歷嗣。

古公三子。長曰太伯。次曰仲雍。

一名虞仲。

少曰季歷。季歷娶

太任。

摯國之仲女。任姓。路史。摯祖已封。今蔡州之平輿。有摯亭。平輿故城。在今河南汝寧府汝陽縣。

端一誠莊。惟德之行。生子昌。有聖瑞。

史記正義引赤雀銜丹書止于昌戶。

爲聖瑞。今不取。古公欲傳國以及之。曰。我世當有興者。其在昌。

乎。太伯。仲雍。知指。乃以採藥爲名。逃之荊蠻。

卽勾吳地。界楚越。故



白荆。斷髮文身。以讓季歷。至是古公薨。季歷嗣。是為公季。

乙未三十有三祀。王崩。子廩辛立。

王在田間久。故卽位之後。知小人之依。能保惠于庶民。

史記。祖甲淫亂。殷復衰。與尚書無逸異。孔傳以祖甲為太甲。與蔡傳異。

王廩辛

丙申元祀。

辛丑六祀。王崩。弟庚丁立。

王庚丁

壬寅元祀。

壬戌二十有一祀。王崩。子武乙立。

王武乙

癸亥元祀。

甲子二祀。遷都河北。

即朝歌。帝王世紀。武乙徙朝歌。故城在今衛輝府淇縣。

丙寅四祀。王畋于河渭。震死。子太丁立。

王無道。爲偶人。謂之天神。與之博。令人爲行。代之行也。天神不勝。乃僂辱之。爲革囊盛血。仰而射之。命曰射天。獵于河渭之間。暴雷震死。

王太丁

丁卯元祀。

己巳三祀。王崩。子帝乙立。

王帝乙

庚午元祀。命周公季歷爲牧師。加九命。作伯。



季歷篤行于義。諸侯順之。嘗伐西落鬼戎。諸戎皆西羌之種。至是又伐余無始呼翳徒之戎。皆克之。王嘉其功。錫之圭瓚。秬鬯。加九命。為侯伯。

丙子

七祀。周公季歷薨。世子昌。嗣為西伯。

是為周文王。

西伯遵后稷公劉之業。則古公公季之法。篤仁敬老。慈幼。禮下賢者。日中不暇食。以待士。孤竹。注見前。君之二子。

伯夷。叔齊。讓國不受。聞西伯善養老。往歸之。泰顛。閎夭。

散宜生。

書傳泰閎散皆氏顛太宜生皆名。

鬻子。

顛項之裔名熊。

辛甲。

殷臣。

亦皆

歸焉。嘗行于野。見枯骨。命吏瘞之。吏曰。此無主矣。西伯曰。有天下者。天下之主。有一國者。一國之主。吾固其主矣。以棺衾葬之。天下聞之。曰。西伯澤及枯骨。況于人乎。

壬辰二十有三祀。西伯昌生子發。

西伯娶有莘氏聖女。曰太姒。

今陝西同州府郃陽縣有莘里。古莘國。寰宇記。武王

母太姒。卽此國女孫。伊尹耕處。別爲一莘。非洽陽渭涘之莘。

西伯治外。太姒治內。德

政流布。風化大興。太姒有十子。長伯邑考。蚤卒。次發。性

慈和。有聖德。西伯以爲世子。次旦。仁聖多材藝。西伯任

以政。

管叔鮮。蔡叔度。曹叔振鐸。邠叔武。霍叔處。康叔封。聃季載。皆太姒子。

丙午

三十有七祀。王崩。子辛立。

是爲紂。

王長子曰微子啟。啟母賤。不得立。少子辛。辛母正后。立

爲嗣。

王受辛

丁未元祀。

微子啟以母賤不得立使  
立啟殷何致亡後世立嫡  
之論觀此猶不悟者非愚  
而何



王資辯捷疾。聞見甚敏。材力過人。性汰侈。好酒色。始爲象箸。箕子王諸父。封箕子。爵也。今山歎曰。今爲象箸。必爲玉杯。玉杯象箸。必將食熊蹯豹胎。宅又將稱是。王求足欲。天下殆哉。

甲寅

八祀。伐有蘇。

路史。已姓國。寰宇記。古蘇城。在濟源西北。

獲妲己。

王伐有蘇氏。得其美女妲己。嬖之。惟其言是聽。使師涓

一作師延。

作朝歌北鄙之音。北里之舞。靡靡之樂。造鹿臺。廣

里。高千尺。遺址在

爲瓊室。玉門。厚賦斂。以實鹿臺之財。

盈鉅橋。

倉名。在今直隸廣平府曲周縣東北。

之粟。大聚樂戲于沙邱。臺名。在今

直隸順德府平鄉縣東北。

以酒爲池。縣肉爲林。使男女裸而相逐。其

間。宮中九市。爲長夜之飲。百姓怨望。諸侯有叛者。妲己

以爲法輕。威不立。王乃爲銅柱。以膏塗之。加于蕪炭之上。使有罪者緣焉。輒墮炭中。王與妲己相爲笑樂。名曰炮烙之刑。

丁巳十有一祀。囚西伯于羑。

音酉。

里。今河南彰德府湯陰縣有羑城。魏書地形志。卽

羑里。字音相近。古通用。

王以西伯昌九侯。

一作鬼侯。史記注。鄴縣有九侯城。在今彰德府涉縣。

鄂侯。一作

邶。後漢書郡國志。河內懷有邶城。在今河南懷慶府河內縣。爲三公。九侯有女。納于

王女。不喜淫。王怒。殺之。而醢九侯。鄂侯爭之。并脯鄂侯。

王又剖孕婦。視其胎。斲朝涉之脛。視其髓。西伯聞之。竊

嘆。崇侯虎。

今西安府鄠縣。夏爲扈。殷爲崇。

知之。以告王。且曰。西伯將叛。

王怒。囚西伯于羑。西伯曰。父有不慈。子不可以不孝。



三分天下有其二以服事  
殷此文王之志也獻地請  
除刑與陳氏之以家量貸  
而以公量收之何異市惠  
行權似非聖人所為予不  
能無疑

君有不明。臣不可以不忠。豈有君而可叛乎。乃演易作  
六十四卦彖辭。

己未 十有三祀。釋西伯。賜弓矢鉞鉞。使專征伐。

西伯之臣。日夜憂懼。謀救其君。竭國中珍寶良馬。因嬖

臣費仲。費昌之後。以獻。諸侯亦為西伯請。王乃赦西伯。西伯

出而獻洛西之地。沮洛之西。今陝西延安府宜川諸縣界。非伊洛也。請除炮烙

之刑。許之。賜弓矢鉞鉞。使專征伐。

庚申 十有四祀。虞。今山西解州平陸縣有虞城。芮。今解州芮

故城。殷質成于周。芮國。

虞芮之君。相與爭田。久而不平。乃相與朝周。入其境。耕  
者讓畔。行者讓路。入其邑。男女異路。斑白不提挈。入其

朝士讓爲大夫。大夫讓爲卿。二國之君感而相謂曰。我等小人。不可以履君子之庭。乃相讓。以其所爭爲閒田。

今平陸縣有閒原。俗呼讓畔城。

天下聞而歸之者四十餘國。

辛酉

十有五祀。西伯得呂尙于渭陽。

渭水出甘肅渭源縣鳥鼠同穴山。至華陰縣入

河。水北曰陽。

尙四岳之裔也。西伯將出獵。卜之曰。非龍非麀。非熊非

羆。所獲霸王之輔。于是西伯獵。果遇尙于渭水之陽。時

年已七十餘。與語大悅。曰。自吾先君太公曰。當有聖人

適周。子真是耶。吾太公望子久矣。故號之曰太公望。載

與俱歸。立爲師。

武王尊爲師尙父。

壬戌

十有六祀。西伯伐密須。

今甘肅平涼府靈臺縣有陰密故城。殷密須國。



初。西伯問太公。孰可伐。太公曰。密須。管叔曰。其君彊明。伐之不可。太公曰。先王伐逆不伐順。伐險不伐易。遂自阮國名。在平涼府涇州。阮之邑。今涇州共池是。而及密須。密須人自縛其君而來歸。

乙丑十有九祀。西伯伐崇。注見前。作豐邑。豐卽崇國地。雍錄。文王都豐。在鄠縣豐水之西。有豐宮。徙都之。

西伯伐崇。令曰。無殺人。無壞屋。無塞井。無伐木。無掠六畜。違者不赦。三旬。崇弗降。乃攻滅之。作邑于豐。遂徙都焉。

丙寅二十祀。西伯昌薨。世子發嗣。是爲周武王。

西伯寢疾。謂世子曰。見善勿怠。時至勿疑。去非勿處。此

三者道之所以止也。世子再拜受教。西伯薨葬于畢。文周

王陵在今陝西西安府咸陽縣。周有天下。乃追諡曰文王。

丁丑三十有一祀。西伯發戡黎。書大傳。史記俱作者。注見帝堯伊耆下。

王以費仲為政。費仲善諛好利。又用蜚廉。伯益裔。善走。惡來。

蜚廉子。蜚廉惡來善讒譎。諸侯益疎。黎侯近于王畿。不

恭王命。王方日夜極意聲色。不知治也。西伯伐而勝之。

祖伊。祖已後。知周德日盛。既已戡黎。勢必及殷。恐懼而奔。

告于王。作西伯。王曰。我生不有命在天。祖伊反曰。王不

可諫矣。考戡黎之事。自史遷以為文王。于是傳注皆從其說。金氏履祥曰。文王三分天下有其二。以服

事殷。豈遽稱兵天子之畿。且祖伊之言。如是其急。吳氏

械以為戡黎之役。當在伐紂之時。其說誠然。因并引大

紀及呂祖謙諸儒之說。而

以戡黎係武王今從之。



戊寅三十有二祀殺少師比干王諸父囚太師箕子注見微子

即啟王庶兄封微子爵也今山西潞安府潞城縣有微子城去之

少師比干彊諫王大怒曰比干自以為聖人吾聞聖人

心有七竅信有諸乎乃殺比干剖視其心箕子懼被髮

佯狂而為奴王又囚之微子既數諫度王終不能聽遂

去之以存宗祀書序殷既錯天命微子作誥父師少師書傳告二師而去紂

已卯三十有三祀西伯發大會諸侯于孟津注見前誓師渡河

諸侯不期而會者八百國西伯徇師而誓作泰誓三篇遂逾

孟津史記武王東觀兵至于盟津渡河中流白魚躍入王舟中王取以祭既渡有火自上復于下至于王

屋流為鳥其色赤其聲魄時諸侯會者皆曰紂可伐矣王曰天命未可乃引師還居二年乃復伐紂考書序惟

十有一年武王伐殷一月戊午師渡孟津作泰誓三篇蔡沈集傳曰十一年十三年之誤也序本依倣經文偶

誤三而爲一。漢孔氏遂以爲十一年觀兵。十三年伐紂。  
司馬遷因之。訛繆相承。後儒遂以爲實然。不知武王蓋  
未有觀兵之事也。蔡傳之說。蓋  
本伊川程子。并朱子書。今從之。

王率衆拒周師于牧野。地理今釋。牧一作埒。在今衛輝府淇縣南。兵潰。王自焚。

商亡。

周師旣渡孟津。陳于商郊。王發兵七十萬人拒之牧野。

西伯臨戰誓衆。

作牧誓。

左仗黃鉞。右秉白旄以麾。王師雖

衆。皆無戰心。倒戈以開周師。周師馳之。皆奔潰。王反走。

登鹿臺。衣其寶玉衣。自燔而死。王言足以拒諫。知足以

飾非。矜人臣以能。以爲皆出已下。播棄黎老。崇信姦回。

慢神虐民。婦言是聽。身死國亡。天下之惡歸焉。商自成

湯受命。至紂。傳二十八王。十六世。合計共六百四十有



四年。





